

東國通鑑

二

漢書門	二 三 三 八	函架	五 七	冊
類	號	架	冊	冊

內閣文庫	漢書	二 三 三 八	函架	五 七	冊
架	架	架	架	架	架

內閣文庫	番號	漢	2338
	冊數	57	(3)
	函號	285	29

0 1 2 3 4 5 6 7 8 9 cm

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak



綴じ部(喉部分)の文字など開きが不鮮明な箇所あり





東國通鑑卷之二

三國紀

新羅

高句麗

百濟

淺草文庫

漢建武九年新羅儒理王十年高句麗春正
大武神王十六年百濟多婁王六年
月百濟王立元子已婁為太子赦○二月百

濟下令國南列郡始作稻田

漢建武十年新羅儒理王十一年高句麗春二
麗大武神王十七年百濟多婁王七年

月百濟右輔解婁卒年九十以東部屹于代

之○秋九月靺鞨攻陷百濟馬首城火之

漢建武十三年新羅儒理王十四年高句麗冬
麗大武神王二十年百濟多婁王十年

酉 甲 癸

庚子

高勾麗襲樂浪滅之樂浪人五千與帶方人
投新羅新羅分置六部

漢建武十六年新羅儒理王十七年高勾麗
大武神王二十三年百濟多婁王十三年
秋九月率麗不耐二縣連兵犯新羅北境
貊國渠帥以兵要曲河西敗之王喜與貊國結

壬寅

漢建武十八年新羅儒理王十九年高勾麗
大武神王二十五年百濟多婁王十五年
春三月駕洛國始祖金首露立初駕洛有丸
于曰秋力曰汝刀曰彼刀曰五刀曰留水曰
留天曰神天曰神鬼曰五天各總其衆為首

新羅儒理王高勾麗大武神王百濟多婁王

甲辰

長聚居山野無君臣位號九于修禊事適見
龜峯有異氣且聞空中語就得金合開視之
有六金卵不日皆化為男竒偉長大衆皆驚
異推立始生者為主因金卵姓金氏以始見
名首露國號大駕洛又稱伽耶餘五人各為
五伽耶主曰阿羅伽耶曰古寧伽耶曰大伽
耶曰星山伽耶曰小伽耶駕洛後改稱金官

○新羅伐伊西國滅之
漢建武二十年新羅儒理王二十一年高勾
麗文武神王二十七年閔中王元年百濟多
婁王十年春二月駕洛築都城營宮室○秋九

乙巳

丙午

月漢遣兵渡海伐樂浪取其地為郡縣薩水
 以北屬漢○冬十月高句麗王無恤薨號大
 武神王太子解憂年幼國人立王弟解邑朱
 漢建武二十一年新羅儒理王二十二年春
 高句麗閔中王二十二年百濟多婁王十八年
 三月高句麗宴羣臣

漢建武二十二年新羅儒理王二十三年秋
 高句麗閔中王二十三年百濟多婁王十九年
 七月高句麗東狩獲白獐

權近曰為之後者為之子今閔中嗣無恤
 而王則當以父事無恤矣喪未數月而與
 羣臣宴未及祥期而又狩獵其失自著矣

新羅儒理王高句麗閔中王慕本王百濟多婁王

戊申

漢建武二十三年新羅儒理王二十四年夏
 高句麗閔中王二十四年百濟多婁王二十年
 四月高句麗王田於閔中原秋七月又田于
 閔中見石窟謂左右曰吾死必葬於此不須
 更作陵墓○冬十月高句麗蠶支部落太家
 戴外等萬餘家因樂浪投漢

漢建武二十四年新羅儒理王二十五年高
 句麗閔中王五年慕本王元年百濟多婁王
 二十一年春高句麗王解邑朱薨閔中王太子

解憂立暴戾不仁不恤國事百姓怨之○百

濟左輔屹于平王哭之甚哀○秋七月駕洛

國王金首露納許氏為妃○冬十月高句麗

王立子翊為太子

巳漢建武二十五年新羅儒理王一十六年高
西勾麗慕本王二年百濟多婁王二十二年

春高勾麗遣將襲漢北平漁陽上谷大原遼

東太守蔡彤以息信待之乃復和親

辛漢建武二十七年新羅儒理王二十八年高
勾麗慕本王四年百濟多婁王二十四年

高勾麗王暴虐日增居常坐必籍人卧則枕

之人或動搖輒殺之臣有諫者射之

李詹曰君臣一體相須以安當以禮而相

接以息而相愛者也麗主解憂凶狠無道

常坐卧於人動搖則輒殺之罪惡彌夫不

新羅儒理王高勾麗慕本王百濟多婁王

可諫止矣其敢言者必是見危授命殺身

成仁者也解憂徒惡其忤已而不知愛已

之心出於至難也草薙而禽獮之暴戾孰

甚焉自古非太無道之君未有輕殺諫臣

者陳靈公之殺洩冶陳後主之殺傅綽唐

僖宗之殺常澹皆在三國垂亡之日而春

秋綱目直書其事以著其所以亡解憂亦

未久而為內豎杜魯所弒且其世子不肖

廢不得立然則將失天下與國家者當以

此上之

癸丑

漢建武二十九年新羅儒理王三十年高勾麗慕本王六年太祖王元年百濟多婁王二十六年冬十一月高勾麗杜魯弒其君解憂魯慕本人侍王左右慮禍及已乃哭或曰子夫也何哭為古人曰撫我則后虐我則讎今王行虐以殺人百姓之讎也爾其圖之魯戡刀近王王引而坐遂弒之太子翊不肯不足以主社稷國人迎琉璃王子無思之子宫立之宮生而能視幼而岐嶷年七歲太后垂簾聽政太后扶餘人也

丙辰

漢中元二年新羅儒理王三十三年高勾麗太祖王四年百濟多婁王二十九年秋新羅脫解王高勾麗太祖王百濟多婁王

丁巳

七月高勾麗伐東沃沮取其地為邑於是拓境東至滄海南至薩水
漢中元二年新羅儒理王三十四年脫解王元年高勾麗太祖王五年百濟多婁王三十一年冬十月新羅王儒理薨背脫解立葬王于蛇陵先是王不豫謂臣僚曰脫解身聯國戚位處輔臣屢著功名朕之二子其才不及且有先君之命吾死之後得即大位以無忘遺訓至是即位

權近曰自夏后氏以來有國家者必傳其子不惟憂後世爭之之亂也所以重宗祀

也傳之異姓則謂之革命而祖廟不血食矣南解王欲傳於脫解而儒理相讓先立從其亂命而卒傳之其不識輕重甚矣若自雖傳異姓祖廟尚存則神固不享非類矣其可謂之血食乎若以堯舜之禪讓為言則堯舜之禪讓以天下為公為天下得久也南解之傳子婿以國家為私不分子婿之輕重而欲傳之安敢籍以為言哉李詹曰三代以後帝王相繼之次第皆以一姓相傳為法故漢高祖始有天下約曰新羅解脫王高句麗太祖王百濟多婁王

非劉氏而王者天下共擊之新室之末光武中興及漢又衰雖天下瓜分劉備猶以中山靖王之後得為三國之正統新羅傳係則不然南解王朴氏將薨謂其男儒理與其婿昔脫解曰我死無論子婿年長且賢者立之故脫解王繼儒理之後七世而助賁王以奈解遺命立之二世而味鄒王金氏以助賁之婿嗣位凡三易姓而其傳受之際先誦先王之訓以為受命之符略無疑忌之辭以基一千年悠久之業然亦

止於一方傳國之家法耳不足與天下共論也

臣等按始皇立而秦祚已滅元帝立而晉祀亦絕何則以呂繼嬴以牛繼馬雖謂之易代可也獨惜乎當時無直筆後世喜因循皆以秦晉書之論其實則漢宋未興而秦晉已滅矣南解之遺教以朴肯羊齒承襲是殊不知國家神器不可以輕易與人也而肯氏興則朴氏之不祀必矣况南解之顧命非堯禪舜受舜禪禹受之比出於

新羅脫解王高句麗太祖王百濟多婁王

一時姑息之恩非國家萬世大計也奈何儒理從父亂命與脫解相讓不辨之於早乎考其歸與燕噲之讓亦無幾矣今日僅得嗣位而明白已為肯氏之有雖一再傳而朴氏又興又一再傳而金氏代興新羅歷年一千年之間三姓相傳朴氏為王者十肯氏為王者八金氏為王者三十八是則新羅者金氏之新羅非朴肯之新羅豈不由於南解之亂命儒理之處不得宜乎

午戊

漢明帝永平元年新羅脫解王二年高句麗太祖王六年百濟多婁王三十一年春

正月新羅以瓠公為大輔

癸亥 漢永平六年新羅脫解王七年高句麗冬十月

太祖王十一年百濟多婁王三十六年

月百濟王侵新羅娘子谷城仍遣使請會新羅不許

甲子 漢永平七年新羅脫解王八年高句麗秋八月

太祖王十二年百濟多婁王三十七年

月百濟王遣兵攻新羅西鄙蛙山城不克冬十月又攻狗壤城新羅發騎兵二千逆擊走之

乙丑

漢永平八年新羅脫解王九年高句麗春三月

太祖王十三年百濟多婁王三十八年

月新羅王得小兒閼智娘以為子王夜聞金

城西始林間有鷄聲遲明遺瓠公視之有金

色小櫝掛樹梢白鷄鳴於下瓠公還告王使

入取櫝開之有小男兒在其中姿貌奇偉王

喜謂左右曰此豈非天祚我胤乎名閼智

閼智卿言小兒之稱以其出於金櫝姓金氏

有鷄怪改始林名鷄林因以為國號

權近曰天道流行萬物化生栽培傾覆而

已安有金櫝盛兒降之林中鷄鳴執人之

事乎豈非奸人見王以其生神異而得國

故亦欲神異其子立以為後行詐而盜國

東鑑二

七

如黃歇不韋之尤者歟王乃惑於金積自
鷄而神之艱以為子且更國號遂使其異
姓賸昧之後裔得有其國家南鮮既失於
前而脫解又失於後其不智甚矣

丙漢永平九年新羅脫解王十年高勾麗百濟
寅太祖王十四年百濟多婁王三十九年
攻新羅蛙山城拔之留二百人守之新羅復

代取之

丁漢永平十年新羅脫解王十一年高勾麗春正
卯麗太祖王十五年百濟多婁王四十年
月新羅以宗戚朴氏分理列郡號為列主郡

新羅脫解王 高勾麗太祖王 百濟多婁王

戊辰 漢永平十一年新羅脫解王十二年高勾麗秋
麗太祖王十六年百濟多婁王四十年

八月曷思主孫都頭以國降于高勾麗以都
頭為于台

壬申 漢永平十五年新羅脫解王十六年高勾麗春
麗太祖王二十年百濟多婁王四十五年
二月高勾麗遣貫那部沛者達賈伐藻那虜

其王

癸酉 漢永平十六年新羅脫解王十七年高勾麗麗
太祖王二十一年百濟多婁王四十六年
夏五月倭侵新羅木出島王遣角于羽鳥禦

之不克死之

甲戌 漢永平十七年新羅脫解王十八年高勾麗
太祖王二十二年百濟多婁王四十七年

秋八月百濟侵新羅新羅遣兵拒之○冬十月高勾麗遣桓那部沛者薛儒伐朱那虜其王子乙音為古鄒加

乙 漢永平十八年新羅脫解王十九年高勾麗太祖王二十三年百濟多婁王四十八年

冬十月百濟攻新羅蛙山城拔之

丙 漢章帝建初元年新羅脫解王二十年高勾麗太祖王二十四年百濟多婁王四十九年

秋九月新羅遣兵伐百濟復取蛙山城殲百濟守者二百餘人

濟守者二百餘人

丁 漢建初二年新羅脫解王二十一年高勾麗太祖王二十五年百濟多婁王五十年已婁王元年

秋八月新羅阿食吉門興加耶兵戰於

新羅脫解王高勾麗太祖王百濟多婁王

黃山津口獲一千餘級以吉門為波珍食○

九月百濟王多婁薨太子已婁立○冬十月

扶餘以三角鹿長尾兔獻高勾麗王以為瑞

大赦

李詹曰時和歲豐為上瑞苟不然則雖天

降甘露地出醴泉不足以為瑞也况物及

常者乎夫鹿興兔澤居而奔穴處而伏陰

類也今茲三其角而長其尾陰道極而變

其常也是妖也非瑞也太祖享國日久終

致二子之禍此豈其兆也其後紫獐赤豹

之獲亦何補於治道哉太祖不以此恐懼
修省以弭其災反以為瑞乃宥境內殊無
意謂也

卯巳

漢建初四年新羅脫解王二十三年高句麗太祖王二十七年百濟已婁王三年春

新羅擊千尸山居漆山二國滅之初二國居
隣境頗為國患新羅命居道為邊官居道志
欲并吞二國常集羣馬於張吐野日使兵士
馳走為戲稱為馬技兩國人習見以為常不
為備於是起兵滅之

辰庚

漢建初五年新羅脫解王二十四年婆娑王
元年高句麗太祖王二十八年百濟已婁王
新羅婆娑王高句麗太祖王百濟已婁王

四年秋八月新羅王脫解薨葬壤井丘儒理王
第二子婆娑立

壬午

漢建初七年新羅婆娑王三年高句麗太祖王三十年百濟已婁王六年春正月

新羅令曰今倉廩空匱戎器不堅利儻有水
旱之災邊鄙之警其何以禦之宜令有司勸
農桑鍊兵器以備不虞

甲申

漢元和元年新羅婆娑王五年高句麗太祖王三十二年百濟已婁王八年

大有年行者不齎糧

丁亥

漢章和元年新羅婆娑王八年高句麗太祖王三十五年百濟已婁王十一年

月新羅令曰國家西隣百濟南接加耶朕德

不能綏威不能襲宜繕葺城壘以備不虞乃
築加名馬頭二城

庚 漢和帝永元二年新羅婆娑婁王十一年高勾麗
麗太祖王三十八年百濟已婁王十四年

秋七月新羅分遣十人廣察州郡主不勤職

事田野多荒者黜之

癸 漢永元五年新羅婆娑婁王十四年高勾麗春
太祖王四十一年百濟已婁王十七年

二月新羅王聿古所夫里郡問高年賜穀

甲 漢永元六年新羅婆娑婁王十五手高勾麗春
太祖王四十二年百濟已婁王十八年

二月加耶兵圍新羅馬頭城新羅遣阿浪吉

元將騎兵一千擊走之

新羅婆娑婁王 高勾麗太祖王 百濟已婁王

丙 漢永元八年新羅婆娑婁王十七年高勾麗秋
太祖王四十四年百濟已婁王二十年

九月加耶人襲新羅南部新羅遣加城主長

世拒之戰敗死王怒親率勇士五千出戰破

之虜獲甚多

丁 漢永元九年新羅婆娑婁王十八年高勾麗春
太祖王四十五年百濟已婁王二十一年

正月新羅舉兵欲伐加耶加耶因主遣使謝

乃止

辛 漢永元十三年新羅婆娑婁王二十二年高勾
麗太祖王四十九年百濟已婁王一十五年

春二月新羅築城於金城東南號月城或號

在城周一千二十三步秋七月王移居新城

壬漢永元十四年新羅婆娑王二十三年高勾
寅麗太祖王五十年百濟已婁王二十六年

秋八月音汁伐國與悉直谷國爭疆詣新羅
請決王難之謂金官國首露王年老多智識
台問之首露立決以所爭之地屬音汁伐國
於是王命六部以饗首露五部皆以伊滄擯
之惟漢柢部以位卑者擯之首露怒命奴耽
下里殺漢柢部主保齊而歸奴逃依音汁伐
主隨鄒干家王使人索其奴隨鄒不送王怒
以兵伐音汁伐國其主與衆自降○悉直押
楡二國降于新羅

新羅婆娑王高勾麗太祖王百濟已婁王

乙巳漢元與元年新羅婆娑王二十六年高勾麗
太祖王五十三年百濟已婁王二十九年

春正月百濟遣使新羅請和○高勾麗王遣
將入漢遼東掠六縣太守耿夔出兵拒之高

丙午漢陽帝延平元年新羅婆娑王二十七年高
勾麗太祖王五十四年百濟已婁王三十年

春正月新羅王幸押楸賑貧二月乃還
戊申漢安帝永初二年新羅婆娑王二十九年高
勾麗太祖王五十六年百濟已婁王三十二年

夏五月新羅大水民飢發使十道開倉賑
之○新羅遣兵伐比只多伐草入三國并之

己酉漢永初三年新羅婆娑王三十二年高勾麗
太祖王五十七年百濟已婁王三十三年春

正月高句麗遣使如漢賀加元服○秋新羅有年是年蝗害穀王遍祭山川以祈之蝗滅歲遂稔

臣等按國以民為本民以食為天為人君者苟知民之為邦本食之為民天則其所施為自不外於仁政矣今王勵精為治三十三年之間勸民農桑問年賜穀田野多荒則黜其吏水旱蝗災則賑其窮凡所以字民之政史不絕書專務恭儉期致啟富求之前代其漢文之流亞也歟歲再有年

新羅婆娑王高句麗太祖王百濟已婁王

蝗不為災豈無自然而然耶伽椰懷德百濟請和悉直押督諸國亦盡龍服皆王教政施仁務農重本之効也

壬子 漢永初六年新羅婆娑王三十三年祇摩王元年高句麗太祖王六十一年百濟已婁王三

癸丑 漢永初七年新羅祇摩王二年高句麗太祖王六十一年百濟已婁王二十七年春

乙卯 漢元初二年新羅祇摩王四年高句麗太祖王六十三年百濟已婁王三十九年春二月加耶國冠新羅南邊○秋七月新羅王伐加耶國師渡黃山河加耶伏兵殺圍王數

重王奮擊決圍而退

丙辰

漢元初三年新羅祇摩王五年高句麗秋八月新羅王先遣將侵加耶帥精兵一萬繼之加耶嬰城固守會久雨乃還

戊午

漢元初五年新羅祇摩王七年高句麗太祖王六十年百濟已婁王四十二年六月高句麗王與濊貊襲漢玄菟攻萃麗城濊貊本朝鮮之地南與辰韓北與高句麗沃沮接東窮大海西至樂浪漢武帝元朔五年濊君南閭畔朝鮮率二十八萬人誦遼東降以其地為滄海郡數年乃罷建武中封其渠

新羅祇摩王高句麗太祖王百濟已婁王

帥為縣侯皆歲時朝貢其言語法俗大抵與高句麗同人性愚慤少嗜欲有廢耻衣服異於他國同姓不婚不以珠玉為寶邑落有侵犯者責出生口牛馬又有軍征調賦如中國焉○秋八月高句麗命有司舉賢良孝順問鰥寡孤獨及老不能自存者給衣食

辛酉

漢建光元年新羅祇摩王十年高句麗太祖王六十九年百濟已婁王四十五年漢幽列刺史馮煥玄菟太守姚光遼東太守蔡諷等將兵侵高句麗擊殺濊貊渠帥盡獲兵仗財物王乃遣弟遂成領兵二千餘人逆

煥光等遂成遣使詐降煥等信之遂成因據險以遮大軍潛遣三千人攻玄菟遼東二郡焚其城郭殺獲二千餘人○高勾麗王與鮮卑八千人侵漢遼隊縣遼東太守蔡諷將兵戰於新昌敗績功曹椽龍端兵馬椽公孫酺以身扞諷俱歿於陣死者百餘人○冬十月高勾麗王以其弟遂成統軍國事

臣等按魯隱公命羽父師師終致鍾巫之變莊公以慶父主兵卒名武闡之禍蓋羽父慶父皆魯同姓貴戚之卿春秋傳所謂

新羅世摩王高勾麗太祖王高濟已變王

難馭於異姓之卿者是也麗王老耄親弟遂成位長百僚專擅威福有今將之心又使之統軍國重事以長其惡何取王既倦勤將欲及其弟大臣高福章極陳不可王又不聽以神器之重付之不弟之手愛子大臣旋被誅戮禍延宗社由王不能辨之早謹於微也其得免鍾巫武闡之禍幸矣十一月高勾麗王率馬韓濊貊一萬餘騎進圍玄菟城扶餘王遣子尉仇台領兵二萬與漢兵并力拒戰高勾麗軍大敗

壬漢延光元年新羅祇摩王十一年高勾麗秋
太祖王七十年百濟已婁王四十六年

高勾麗王與馬韓藏貊侵遼東扶餘王遣兵

救之

癸漢延光二年新羅祇摩王十二年高勾麗冬
太祖王七年一年百濟已婁王四十七年

十月高勾麗以沛者穆度婁為左輔高福章

為右捕令與遂成參政事

乙漢延光四年新羅祇摩王十四年高勾麗春
太祖王七十三年百濟已婁王四十九年

正月靺鞨大入新羅北境殺掠吏民○秋七

月靺鞨又襲新羅太嶺柵過於泥河王移書

百濟請救百濟遣五將軍助之靺鞨退

新羅祇摩王高勾麗太祖王百濟已婁王

戊辰漢順帝永建三年新羅祇摩王十七年高勾
麗太祖王七十六年百濟已婁王五十二年

蓋婁王冬百濟王已婁子蓋婁立

壬申漢陽嘉元年新羅祇摩王二十一年高秋七
勾麗太祖王八十年百濟蓋婁王五年

月高勾麗王弟遂成獵於倭山與左右宴貫

那于台彌儒相那于台菴支留涕流那身衣

陽神等陰謂遂成曰初慕本之薨也太子不

肖羣寮欲立王子再思再思以老讓其子者

欲使兄老弟及今王已老而無讓意惟子計

之遂成曰承襲必嫡天下之常道也王今雖

老有嫡子在豈敢覬覦乎彌儒曰以弟之賢

承兄之後古亦有之子其勿疑左輔沛者穆
度婁知遂成有異心稱疾不仕

甲戌 漢陽嘉三年新羅祇摩王二十三年逸聖王
元年高句麗太祖王八十二年百濟蓋婁王
七年秋八月新羅王祇摩薨無子儒理王長子

逸聖立

丁丑

漢永和二年新羅逸聖王四年高句麗
太祖王八十五年百濟蓋婁王十年 春二
月靺鞨侵新羅燒長嶺五柵

戊寅

漢永和三年新羅逸聖王五年高句麗
太祖王八十六年百濟蓋婁王十一年 春二
月新羅置政事堂於金城○三月高句麗王
弟遂成獵於質陽七日不返遊戲無度秋七

新羅祇摩王高句麗太祖王百濟蓋婁王

月又獵箕立五月乃返其弟伯固諫曰禍福
無門惟人所召今子以王之親弟為百寮之
首位極功盛宜以忠義存心禮讓克已上輔
王德下得民心然後富貴可保而禍亂不作
矣今乃流連忘返竊為子危之遂成曰人情
孰不欲富貴歡樂然得之者蓋寡今吾居可
樂之勢而不能肆志將焉用哉不從

漢永和三年新羅逸聖王六年高句麗
太祖王八十七年百濟蓋婁王十二年 秋八
月靺鞨新羅長嶺掠民口冬十月靺鞨又
來侵雪甚乃退

庚辰

漢永初五年新羅逸聖王七年高句麗春二月新羅立柵長嶺以防靺鞨

壬午

漢漢安元年新羅逸聖王九年高句麗秋七月新羅王名羣臣議伐靺鞨伊飡雄宜不可

乃止○九月高句麗在都地震王夢一豹齧斷虎尾覺而占之或曰虎者百獸之長豹者同類而小者也意者王之族類殆有謀絕木王之後者乎王不悅謂右輔高福章曰我昨有夢占者之言如此奈何對曰作不善則吉變為凶作善則災又為福今大王憂國如家

新羅逸聖王高句麗次大王百濟蓋婁王

愛民如子雖有小異庸何傷乎

漢建康元年新羅逸聖王十一年高句麗春太祖王九十二年百濟蓋婁王十七年

二月新羅令列郡曰農者政本食惟民天其修堤防闢田野又禁民間用金銀珠玉

漢質帝本初元年新羅逸聖王十三年高句麗太祖王九十四年次太王元年百濟蓋婁王十年

秋七月高句麗王弟遂成獵於倭山謂左右曰王老吾齒亦暮不可坐待願為我計

之左右皆唯唯有一人曰王子有不遜之言而左右不能直諫可謂姦且諛矣吾欲直言

可乎遂成曰可曰令王賢明內外無異心子

雖有功率羣下姦諛不逞之徒謀欲廢之此
何異以單縷引萬鈞之重乎雖愚者猶知不
可若王子改圖易慮王知王子孝順必有揖
讓之心不然則禍將及也遂成不悅左右曰
王子以王年老恐國祚之危為永圖計此人
妄言禍福若不殺恐漏言致悔也遂成從之
○八月高勾麗王遣將襲漢遼東西安平縣
殺帶方令掠樂浪太守妻子以歸○冬十一
月高勾麗王傳位於弟遂成先是右捕高福
章言於王曰遂成將反請先誅之王曰吾既

新羅逸聖王高勾麗次大王百濟蓋婁王

老遂成有功於國吾將禪位福章曰遂成恐
而不仁今自受大王之禪明白害大王之子
孫豈可施惠於不仁之弟而貽患於無辜之
子孫乎願大王熟計之不聽至是王謂遂成
曰吾既老倦於萬機天之曆數在汝躬况汝
內參國政外摠軍事久有社稷之功允塞臣
民之望吾付托得人乃禪位退老於別宮稱
為太祖大王遂成立年七十六

下
亥

漢祖帝建和元年新羅逸聖王十四年高春
勾麗次大王二年百濟蓋婁王二十年
二月高勾麗以貫那沛者彌儒為左捕○三

月高勾麗王遂成殺右輔高福章福章臨死
嘆曰痛哉冤乎我當時為先朝近臣其可見
賊亂不言我恨前主不用吾言以至於此今
君甫陟大位宜新政教以示百姓而以不義
殺一忠臣吾與其生於無道之時不如死之
速也乃即刑遠近聞之莫不憤惜

臣等按易曰履霜堅冰至言辨之於早謹
之於微也太祖老耄遂成握重兵二十餘
年植根固樹黨眾其睥睨神器者非一朝
一夕也穆度婁知有二心稱疾不仕王弟

初羅逸聖王高勾麗次大王百濟蓋婁王

伯固極陳禍福又有直士盡言無忌遂遭
殺戮福章為時右輔當炳幾先圖難於其
易為大於其細可也當九都地震之月或
者占夢之時王之於遂成不得無疑問及
福章為福章討者當力陳遂成不臣之狀
上天警告之意盡言極諫王必悔悟矣而
顧乃泛言福善禍淫之說譎辭以悅之使
王無復有疑何耶一失此機後雖請誅吁
亦晚矣竟使遂成窮兇極惡不仁之禍及
於身與家國嗚呼惜哉

秋七月新羅王命臣寮各舉智勇堪為將師者○高勾麗左輔穆度婁稱疾退老王以桓那于台菴支留為左輔陞主簿以沸流那陽神為中畏大夫陞于台皆王之故人

子戊

漢建和二年新羅逸聖王十五年高勾麗次太王三年百濟蓋婁王二十一年夏四月高勾麗王遂成殺太祖王元子莫勤其弟莫德恐禍及自縊死

金富軾曰昔宋宣公不立其子與夷而立弟繆公小不忍亂太謀以致累世之亂故春秋大居正今太祖王輕太位以授不仁

新羅逸聖王高勾麗次大王百濟蓋婁王

之弟禍及一忠臣二愛子可勝歎耶

秋七月高勾麗王田于平傷原白狐隨而鳴王射之不中問於師巫曰狐者妖獸非吉祥况自其色尤可恠也然天不能諄諄其言示以妖恠者欲令人君恐懼修省以自新也君若修德則可以轉禍為福王曰凶則為凶吉則為吉爾既以為妖又以為福何其誣耶遂殺之○新羅封朴阿道為葛文王新羅繼追封王皆曰葛文王

巳癸

漢永興元年新羅逸聖王二十年高勾麗次大王八年百濟蓋婁王二十六年冬十

月新羅宮門災彗星見東方又見東北方

甲午 漢永興二年新羅逸聖王二十一年阿達羅

王元年高句麗次太主九年百濟蓋婁王二

十七年春二月新羅王逸聖冕長子阿達羅立

漢永壽元年新羅阿達羅王二十年高句麗

麗次太王十年百濟蓋婁王二十八年

月新羅阿食吉宜謀叛事覺奔百濟新羅王

移書請之不從王怒出師擊之百濟諸城堅

壁自守新羅兵糧盡乃歸

金富軾曰春秋時莒僕來奔魯季文子曰

見有禮於其君者事之如孝子之親父母

也見無禮於其君者誅之如鷹鷂之逐鳥

新羅阿達羅王高句麗新大王百濟蓋婁王

雀也觀莒僕不度於善而在於凶德是以

去之今吉宜亦姦賊之人百濟王納而匿

之是謂掩賊為藏者也由是失鄰國之和

使民困於兵革其不明甚矣

漢永壽三年新羅阿達羅王四年高句麗

麗次太王十二年百濟蓋婁王三十年

置迎自縣初東海濱有人夫曰迎鳥妻曰細

鳥一月迎鳥採藻海濱忽漂至日本國小島

為王細鳥尋其夫又漂至其國立為妃時以

迎鳥細鳥為日月之精至是置縣焉

乙巳

漢延熹八年新羅阿達羅王十一年高句麗

次太王二十年新羅大王元年百濟蓋婁王三

十八年春三月高勾麗前王宮寔於別宮年百
十九歲○冬十月高勾麗明臨峇夫弒其君
遂成立王弟伯固初遂成無道伯固恐禍及
已遜于山谷峇夫為椽那身衣因民不忍弒
遂成於是左輔菘支留與羣臣議遣人迎伯
固及至菘支留獻璽曰先君雖有子不克負
荷天人之心歸于至仁請即尊位伯固三讓
而後即位年七十七薨遂成曰次大王

丙午

漢延熹九年新羅阿達羅王十三年高勾麗
新大王二年百濟蓋婁王三十九年肖古王
元年春正月高勾麗王令曰寡人生於王親本
新羅阿達羅王高勾麗新大王百濟蓋婁王

非君德向屬友于之政頗乖貽厥之謨畏害
遠遜洎聞凶訃但極哀摧豈謂百姓樂推羣
公勸進謬以眈未據于崇高不敢違寧如涉
瀨海宜推恩而及遠遂與衆而自新可大赦
國內國人聞令無不歡呼初明臨峇夫之難
次大王太子鄒安逃竄及聞赦令即詣王門
告曰嚮國有禍臣不能死遜于山谷今聞新
政敢以罪告若大王據法定罪棄之市朝惟
命是聽若賜以不死生死肉骨之惠也王即
賜狗山瀨婁豆谷二所仍封為讓國君○高

勾麗以谷夫為國相陞為沛者令知內外兵馬兼領梁貊部落改左右輔為國相

權近曰君臣之分猶天壤然弒逆之賊無彼此一也故春秋之法國君有為弒逆者所立而不能討其賊則是亦與聞乎故而未免首惡之名矣今谷夫弒逆成而立伯固伯固初遁于野未嘗與聞乎故然徒知立已之為有德而不思弒君之為當討及寵任之以為國相是舉國君臣皆為弒逆之黨三綱淪而人紀滅矣若使伯固能伸

新羅何達羅王高勾麗新大王百濟自古王

大義不賞私勞以明弒逆之罪而誅之則三綱復正人紀復立而亂賊懼雖漢帝之戮丁公叔孫婁之逐豎牛不足多矣惜伯固之不能也

百濟王蓋婁薨子肖古立先是蓋婁王聞都彌妻之豔名都彌語曰婦人之德貞潔為先然在幽昏無入之地誘以巧言能不動心者鮮矣對曰人情不可測若臣之妻雖死無貳者也王留都彌使近臣詐為王抵其家語妻曰已與都彌傳賄欲私之妻請更衣而進註

飾一婢子薦之王後知見欺大怒誣都捕以
罪矐其兩目置小船泛之河更引其妻欲亂
之妻曰今良人已逝妾身不能自保敢為王
辭但今有月事請俟他日王許之妻逃至江
口忽遇行船至泊泉城島則其夫已先往矣
遂同奔高勾麗

丁未

漢永康元年新羅阿達羅王十四年高
勾麗新大王三年百濟肖古王二年秋七
月百濟將師襲破新羅西鄙二城虜獲男女
一千而還八月新羅王命一言食興宜領兵
二萬伐之又率騎八千自漢水臨之百濟大

新羅阿達羅王高勾麗新大王百濟肖古王

戊申

懼還其所掠男女乞和
漢靈帝建寧元年新羅阿達羅王十五年夏
高勾麗新大王四年百濟肖古王三年夏
四月漢玄菟郡太守耿臨侵高勾麗殺數百
人王自降乞屬玄菟

己酉

太守公孫度討富山賊
漢建寧二年新羅阿達羅王十六年高勾
麗新大王五年百濟肖古王四年

壬子

麗王問羣臣戰守孰便衆曰漢兵恃衆輕我
漢熹平元年新羅阿達羅王十九年高
勾麗新大王八年百濟肖古王七年冬十
一月漢玄菟郡太守耿臨以太兵欲攻高勾

若不出戰彼以我為怯必數來且我國山險而路隘此所謂一夫當關萬夫莫當者也漢兵雖衆無如我何請出師禦之答夫曰不然漢國大民衆今以強兵遠闖其鋒不可當也且兵衆者宜戰兵少者宜守兵家之常今漢人千里轉糧不能持久若我深溝高壘清野待之不過旬月其勢飢窘必歸我以勁卒薄之可以得志王然之嬰城固守漢人攻之不可士卒飢窘引還答夫率騎千人追之戰於坐原漢軍大敗匹馬不返王大悅賜答夫坐

新羅阿達羅王高勾麗新大王百濟肖古王

丙辰

原及質山為食邑

漢熹平五年新羅阿達羅王二十三年高勾麗新大王十二年百濟肖古王十一年高勾麗羣臣請立太子王以長子拔奇不肖立第二子男武為太子

巳未

漢光和二一年新羅阿達羅王二十六年高勾麗新大王十五年故國川王元年百濟肖古王十四年秋九月高勾麗國相答夫死年百十三王臨喪哀慟罷朝七日以禮葬於質山置守墓二十家

○冬十二月高勾麗王伯固薨葬故國谷號新大王太子男武立姿表雄偉莅事聽斷寬猛得中長子拔奇怨之與消奴加

東鑑

二十六


各將下戶三萬口，誦公孫康降，後還住沸流

水上

庚申 漢光和三季新羅阿羅達王二十七年高春

二月高勾麗王立于氏為后后提那部于素

之女也



東國通鑑卷之二

